

Ո Ր Ո Շ ՈՒ Մ թիվ-202
Վարչական տույժ նշանակելու մասին

«16» սեպտեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով ԻԻՀ քաղաքացի Բեհրուզ Հեյբաթովլահի Աղայեիի վերաբերյալ նյութերը.

Պ Ա Ր Զ Ե Ց Ի՝

2020 թվականի օգոստոսի 21-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Բեհրուզ Աղայեիի կողմից շահագործվող «IVECO» մակնիշի, 87A617-10/87A618-10 հաշվառման համարանիշի բեռնատար ավտոմեքենան և վառելիքի համար նախատեսված բաքից հայտնաբերել, մաքսային հսկողությունից թաքցնելով, ՀՀ մաքսային սահմանով տեղափոխված 160 (128 կգ) լիտր դիզելային վառելիք:

Փաստի առթիվ Բեհրուզ Աղայեիի նկատմամբ կազմվել է ՀՀ Մաքսային օրենսգրքի 201-րդ հոդվածի հատկանիշներով մաքսային կանոնների խախտման վերաբերյալ արձանագրություն, իսկ հիշյալ 160 (128 կգ) լիտր դիզելային վառելիքը վերցվել և ի պահ է հանձնվել Մեղրիի մաքսային կետ-բաժնում:

Բեհրուզ Աղայեին 26.08.2020թ. ծանուցագրով 2020 թվականի սեպտեմբերի 15-ին հրավիրվել է ՀՀ ՊԵԿ իրավաբանական վարչություն իր նկատմամբ սկսված վարչական գործի վարույթին մասնակցելու համար՝ միաժամանակ նախազգուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի վարույթը կիրականացվի առանց իր մասնակցության, սակայն վերջինս չի ներկայացել:

Վարչական վարույթի ընթացքում հարցում է կատարվել ՀՀ ՊԵԿ Հարավային մաքսատուն-վարչություն, որտեղից ստացված 01.09.2020թ. գրության համաձայն՝ ԻԻՀ քաղաքացի Բեհրուզ Աղայեիի կողմից շահագործվող «IVECO» մակնիշի, 87A617-10/87A618-10 հաշվառման համարանիշի բեռնատար ավտոմեքենայում հայտնաբերված, Մեղրիի մաքսային կետ-բաժնում գտնվող 160 (128 կգ) լիտր դիզելային վառելիքը «բացթողում ներքին սպառման համար» մաքսային ընթացակարգով 21.08.2020թ. հայտարարագրելու դեպքում մաքսային արժեքը կկազմեր 24796 ՀՀ դրամ, մաքսային վճարները կկազմեին ընդհանուր 8940 ՀՀ դրամ, որից մաքսատուրք՝ 1240 ՀՀ դրամ, ակցիզային հարկ՝ 1664 ՀՀ դրամ, ԱԱՀ՝ 5540 ՀՀ դրամ, բնապահպանական վճար՝ 496 ՀՀ դրամ: Արգելքներ, սահմանափակումներ և ոչ սակագնային կարգավորման միջոցներ չեն կիրառվում:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է

իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Բեհրուզ Աղայեին 26.08.2020թ. ծանուցագրով 2020 թվականի սեպտեմբերի 16-ին հրավիրվել է ՀՀ ՊԵԿ իրավաբանական վարչություն՝ իր նկատմամբ սկսված վարչական գործի քննությանը մասնակցելու համար, սակայն վերջինս չի ներկայացել: ՀՀ մաքսային օրենսգրքի 219-րդ հոդվածի համաձայն՝ գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Համաձայն ՀՀ ՊԵԿ ՆԱ վարչությունից ստացված ՍԷԿՏ համակարգում առկա տեղակատվության Բեհրուզ Աղայեին 02.09.2020թ-ից. գտնվել է ՀՀ-ից դուրս:

Այսպիսով, նյութերով պարզվել է, որ 2020 թվականի օգոստոսի 21-ին ԻԻՀ քաղաքացի Բեհրուզ Աղայեին, մաքսային հսկողությունից թաքցնելով, ապրանքների հայտնաբերումը դժվարացնող եղանակով, իր կողմից շահագործվող «IVECO» մակնիշի, 87A617-10/87A618-10 հաշվառման համարանիշի բեռնատար ավտոմեքենայի վառելիքի համար նախատեսված բաքում, ՀՀ մաքսային սահմանով տեղափոխել է 24796 ՀՀ դրամ մաքսային արժեքով ընդհանուր 160 (128 կգ) լիտր դիզելային վառելիք, այսինքն՝ թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ և ՀՀ ՊԵԿ Հարավային մաքսատուն-վարչության 01.09.2020թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206 և 221 հոդվածներով,

Ո Ր Ո Շ Ե Ց Ի՝

1. Բեհրուզ Հեյբաթովլահի Աղայեիին (ծնված՝ 25.04.1973թ., ԻԻՀ քաղաքացի, բնակվող՝ ԻԻՀ, ք. Միանեհ, անձնագրի համարը՝ T45571725) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված ընդհանուր՝ 160 (128 կգ) լիտր դիզելային վառելիքի մաքսային արժեքի չափով՝ 24796 ՀՀ դրամ: /900005024055 (կոդ-19) հաշվեհամարին/
2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:
3. ԵԱՏՄ Մաքսային օրենսգրքի 98-րդ հոդվածի 4-րդ մասի համաձայն որոշումն ուժի մեջ մտնելու օրվան հաջորդող օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:
4. Որոշման մասին հայտնել Բ. Աղայեիին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և «Վարչարարության հիմունքների և վարչական վարույթի մասին» ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ